


全蜀文志

八和序

2033


33





和 16  
2099  
99







全蜀藝文志卷四十八下

江陵朱雲煥退唐

杜宇體令辨

宋羅泌

巴國考

王象之

蜀國考

王象之

四川風俗形勝考王象之

蜀山考

王象之

蜀水考

王象之

山川形勝述

明彭韶

周公禮殿圖考元

費著

楊祖識謚議

宋游桂

全蜀藝文志

卷四十八下

目

讀月草堂





全蜀文志卷四十八下 升算原本

江陵朱雲煥題唐

辨考述議

杜宇鼈令辨

宋羅泌

按諸蜀記杜宇末年遜位鼈令鼈令者荆人也舊說魚鳧敗於  
湔山仙去後有男子從天墮曰杜宇爲西海君自立爲蜀王號  
望帝徙都於郫或瞿上自恃功高諸王乃以褒斜爲前門熊耳  
靈關爲後戶玉壘蛾眉爲城郭江潛綿洛爲池澤汶山爲畜牧  
全蜀文志 卷四十八下 辨 讀月草堂



范作茹

南中爲國范時鼈令死尸隨水上荆人求之不得至蜀起見望帝望帝以之爲相後禪以國去之隱於西山民俗思之時適二月田鵲方鳴因號杜鵑以志其隱去之期一云字禪之而淫其妻恥之死爲子鸛故蜀人間之皆起曰我望帝也杜甫每起歎所謂杜宇曾爲蜀帝王者据風俗通等鼈令化從井出既死尸逆江至岷山下起見望帝時巫山壅江蜀地洪水望帝令令鑿之蜀始陸處以爲刺史號曰西州自以德不如令從而禪焉是爲蜀開明氏末季號萬通生蘆保亦號開明時武都出五力士輔之開明子孫八代都郫九世至開明尙始去帝號稱王治

參百捌拾捌

在生

成都自開明五世至開明尙始立宗廟於蜀則猶在五帝時以今蜀記望帝遠記周襄王至鼈令王蜀十一代三百五十年當始皇時號蜀蘆子霸王夫始皇時蜀滅久矣記言儀錯伐蜀蜀開明王拒戰不利退走武陽獲之樂史云在彭山縣則是張儀滅之也鼈水名也字一作營音別縣在牂牁集韻音幣而刺史乃秦官故王充劉知幾以子雲之記杜魄荆尸爲妄鼈令亦作鼈靈墓在郫西五里

天曠山人詠  
爲天迴云

巴國考

王象之

山海經云西南有巴國又云昔太皞生咸鳥咸鳥在乘釐乘釐

全蜀藝文志

卷四十八下 考

讀月草堂



引左侍注字有脫誤  
按杜注云神儵魚庸  
三邑魚魚復縣今巴  
東永安縣

二 肆百貳拾玖  
生后昭是爲巴人郭璞注云巴之始祖事寰宇記周武王伐紂  
巴蜀之屬髡預焉尙書牧誓云及庸蜀羌髡微盧彭濮人注云  
髡微在巴蜀巴之名已見於此巴志云武王克殷封其宗姬於  
巴爵之以子春秋魯桓公九年巴子請與鄧爲好莊公十八年  
伐楚文公十六年巴與秦楚共滅庸哀公十八年巴人伐楚敗  
於鄧又曰庸蠻叛楚楚莊王伐之七過皆北唯裨儵魚人實逐  
之杜曰裨儵魚三邑今魚復縣也巴志云戰國時蜀旣稱王巴  
亦稱王巴志亦云周慎靚五年蜀王伐苴苴侯奔巴巴爲求救  
於秦秦惠王遣張儀司馬錯救苴巴遂伐蜀滅之儀食巴道之

富因取巴執巴王以歸置巴蜀及漢中郡

蜀國考

王象之

按世本山海經揚雄蜀王本紀華陽國志諸書皆言蜀之先肇  
於人皇之際至黃帝子昌意取蜀山氏女生帝嚳後封其支庶  
於蜀歷夏商周始稱王者縱目名蠶叢次曰柏灌次曰魚鳧其  
後有王曰杜宇杜宇稱帝號望帝時有荆人鼈令死其尸隨水  
上荆人求之不得鼈令至汶山下忽復生見望帝帝立以爲相  
時巫山壅江蜀地洪水望帝使鼈令鑿巫山蜀得陸處望帝因  
禪位於鼈令號開明遂自亡去化爲鵲鳥故蜀人謂子鵲爲望  
至蜀秋文志

卷四十八下 考

讀月草堂



帝自開明而上至蠶叢凡四十歲自開明而下五葉有開明尙  
始立宗廟尙書牧誓所謂庸蜀者卽此也通鑑慎覬王五年巴  
蜀相攻擊俱告急於秦秦使張儀司馬錯伐蜀滅之貶蜀王更  
號爲侯後以其地爲蜀郡華陽國志云開明氏凡王蜀十二世

四川風俗形勝考

王象之

利盡西海秦司馬錯云利盡西海而天下不以爲貪岷山之地上爲井絡帝以會昌  
神以建福杜宇之王以褒斜爲前門熊耳靈關爲後戶玉壘峨  
眉爲城郭江潛綿洛爲池澤汶山爲畜牧南中爲園苑河圖括地象  
巴蜀廣漢土地肥美有江水沃野山林竹木蔬食果實之饒西漢

地理地近秦雍風聲氣習本自一家西漢志國富民殷寶貨無求

於外漢麗統說昭烈曰益州國富民殷戶口蜀有自然險晉書

傳惟蜀之疆擁抱岷梁斗絕諸夏裂爲一方羅城唐王巖蜀形勝之

地也南控蠻蜚西搃戎羌元微之集蜀地濶千里郡列五十城戶口

至多士卒之衆可以揮汗成雨吐氣成雲唐胡曾回蜀之爲邦

天文井絡輝其上地理岷嶓鎮其域五岳華山表其陽四瀆汶

江出其微蕃衍三州土廣萬里固乾坤之靈囿華陽國志蜀之爲國

與巴同囿華陽國志井絡垂耀江漢遵流泉源深盛爲四瀆之首

上沃野千里號稱陸海華陽國志青城峨嵋爲坤維之巨鎮秦定六

全蜀藝文志

卷四十八下 考

讀月草堂



夏聲以上皆華陽國志小注蜀郡賦三字當在綿維下踰驢王綿維六句皆在思賦中語

我眉縣三字衍或龍遊縣之誤

四

伍百壹拾柒

國輒徙其豪俠於蜀其卦值坤故多斑綵文章君子精敏小人

鬼黠與秦同分故多悍勇在詩文王之化被乎江漢之域秦幽

同咏故有夏聲跨躡犍梓倚交趾蜀都賦緣以劍閣阻以石門

演以潛沫浸以綿維蜀之絲枲織文之富衣被天下歐陽公至喜亭記

神禹為蜀人江漢為蜀望張俞上蜀帥書曰大江出蜀之西微禹生於西羌石紐其地也故神禹為蜀人江漢為蜀望而明公之

沿蜀沿江漢盡在土宇民性循柔喜文而畏兵田況西蜀蜀當西南陬曰興坤坤為臣世有方正柔靜之士岷峨蘊精江漢畜靈須有時克生其人乎范鎮序

### 蜀山考

王象之

金陵隨筆云蜀人繪蜀山作六圖一曰我眉去嘉州我眉縣百

里為六山之最自白水寺登山初二十里有石磴可登又二十里多無路以木為梯行三二里方著實地又二十里有雷洞始到光相寺則我眉絕頂其上樹木禽鳥多與平地異天氣尤不同九月初已下雪應綿衣絮衾用盡而終夜然火山上水煮飯不熟飢食皆從白水寺造上所謂光相錦雲天燈陰雲不見一曰青城山中有六道宮丈人觀上清宮為最五宮觀皆在山之麓五里至上清又至成都山則為牛山至大面山則為山之巔大面後即老人村不可通矣一曰錦屏今閬州城南五山峙立江南如屏有浙間山川之狀有讀書巖乃陳堯叟兄弟讀書之

全蜀藝文志

卷四十八下 考

讀月草堂



地一曰赤甲白鹽在今夔門滙瀕之兩岸水流其中而兩山束之大率如蜀之門戶一曰劍門關古所謂劍關之險有大劍小劍之號往往山皆北向有劍鋒之狀而道出兩山之間有關使以司之一曰巫山今夔州巫山縣之東十二峯不是一面生江遶此山周遭十二峯故人繪爲一圖爾

蜀水考

王象之

四瀆惟江最大發於岷經夔荆達揚而入於海此江之原也外自蜀而言江之外其水有七出於綿之神泉曰綿水出於什邡之章維山曰洛水分流於永康之瀾堰曰瀾水綿水自綿竹紫

巖山經德陽雒水自什邡入雒瀾水經導江崇寧九隴濠陽亦入雒三水皆合於雒自雒經懷安簡資富順至瀘與江水會總曰內水發源於江油之清川經綿瀾遂東至於合曰涪水發源於涪之青泥嶺逕大安利閭果至合與涪水會曰嘉陵水發源於小巴嶺經巴蓬之伏虞西南以至於渠曰巴水出萬頃池經明通又至渠與巴水合曰渠水巴渠二水旣合逕廣安新明至合與嘉陵涪水會以達於渝而江始大此七水與江別合之大略也若分流岷中入中國以附於江者有三曰青衣曰羊山曰馬湖青衣出岷山經嚴道洪雅夾江而下羊山出鐵豹嶺經全蜀秩文志



漢源至嘉定之南與青衣水合入於江馬湖自夷都流至敘亦入於江又有出於郡邑之山澤者則自岷峨而下沿流以至於夔不勝其衆其大者如盛山之萬頃池則醴流有四一入於渠三入於夔惟漢水出嶓冢與江分流由漢金趨襄至江夏大別山始與江合此蜀衆水接連荆楚源流之大略也眉山李重序又按輿地記云洮州有禹貢西傾山後名西強山吐谷渾主阿豺常登其國西強山觀壅江源問於羣僚曰此水東流更有何名由何郡國入何水也其長史曾何曰此水經仇池過晉壽出宕渠始號壅江至巴郡入江度廣陵會于海阿豺曰水向知歸吾雖塞表小國而獨無所歸使通宋獻其方物宋少帝封爲澆河公西傾之北則洮水所出北流入河

山川形勝述附

明彭韶

儀作義

蜀之地南撫蠻獠西抗吐蕃上絡東井岷嶓鎮其域汶江出其微以褒斜爲前門靈關爲後戶峨嵋爲城郭南中爲苑囿緣以劍閣阻以石門面越負秦地大且要誠天府之國也揚子雲益州箴曰巖巖岷山古曰梁州華陽西極黑水南流秦作無道三方潰叛儀兵征暴遂國於漢拓開疆宇恢梁之野列爲十二光羨虞夏牧臣司梁是職是圖經營盛衰敢告士夫集記云禹別九州八曰華陽黑水惟梁州岷嶓旣藝沱潛旣道蔡蒙旅平又曰岷山導江東別爲沱漢地理志言蜀郡湔氐道禹貢岷山在西徼外江水所出東南至江都入海過郡九行七千六百六十

全蜀藝文志

卷四十八下 述

讀月草堂



里按岷山在茂州直西北最後蕃曰列鷺村其村有岷山山之  
右有嶺曰鐵豹則分水之上源也水二派其一西南入尖囊大  
渡河其一正南入溢村至石紐過汶川則禹之所導江也鐵豹  
一名羊膊蓋夷語不同耳任豫益州記言江出羊膊嶺經甘松  
至灌千餘里是也大抵蜀之山近江源者通謂之岷山峰連岡  
屬千里不絕今俗謂青城爲岷山者以此續記云凡曰岷嶓該  
衆山言也凡曰沱潛該衆水言也蓋蜀山之居左者皆曰岷居  
右者皆曰嶓水出於岷者皆謂之江出於嶓者皆謂之漢或謂  
之漾或謂之沔出於江而別流別而復合皆謂之沱出於漢而

別流別而復合皆謂之潛古今論岷嶓沱潛者衆矣然參差不  
齊莫得其真蓋由不知蜀山之居左者皆得爲岷蜀山之居右  
者皆爲嶓而獨指茂州之汶山爲岷山金牛之嶓家爲嶓隘矣  
今按左右之說別無考證而嶓家又改隸陝西茲以成都郡內  
山川之可名者紀焉其井泉池石亦附於後

成都周公禮殿聖賢圖考

元費著

至聖文宣王廟在子城內南門之東前漢文翁學宮故址後漢  
獻帝興平元年甲戌太守高耿音審俗訛爲耿距今慶元戊午凡一千

四年舊號周公禮殿殿制甚古低屋方柱柱上狹下廣與今制

全蜀秩文志 卷四十八下 考

讀月草堂

映作映廣韻音切  
耿字見公羊音耿



異左柱有高昉修學舍記凡三百四十二字其文紀漢初平五年按史初平止四年次年改為興平今尙云爾者豈是時天下方亂道梗不通或未知朝廷改元爾殿有版龕護先聖像邱文墀畫山水龕後有版壁黃筌畫湖灘邱畫今亡獨黃畫存殿之壁高下三方悉圖書上古以來君臣及七十二弟子像世傳晉太康中太守張收之筆收子載卽銘劍閣者也東晉王羲之有帖問蜀守云知有漢時講堂是漢何帝知畫三皇五帝以來備有畫又精妙甚可觀彼方能畫者欲因摹取以廣異聞則此畫當在永嘉前疑非出於張收又按元豐郭若虛圖畫見聞誌漢文翁學堂在益州昔經頽廢高昉復繕立圖書古今聖賢之像及瑞物于壁抑東漢以前人物高昉時所作至收輩遞增益之與嘉祐中王公素命摹寫爲七卷凡一

一百五十五人爲成都禮殿聖賢圖紹興中席公益又摹寫於石經堂凡一百六十八人案續記可辨識姓名者一百七十三人今貌像宛然者一百四十九人僅存髣髴者三十二人姓名存者六十五人今仍紀續記姓名於左

盤古	伏羲	神農	蒼頡	沮誦	黃帝	少昊	高陽
祝融	高辛	堯	舜	禹	咎繇	稷	契
伯夷	夔	湯	伊尹	高宗	傳說	太王	太伯
王季	文王	太顛	閔天	散宜生	南宮括		
武王	太公	周公	成王	召公	山甫	宣王	



管仲 子產 李冰 老子 孔子 顏回 閔損 冉雍

冉耕家語作冉有 蓮瑗 冉求 端木賜 卜商 樂欬

仲由 有若 宓不齊 原憲 商澤 曾參 公冶長

南宮韜史記作南宮括 言偃 公西箴家語作公西滅 顏高家語作顏刻 公西赤

樊須 宰予 高柴 任不齊 漆雕開 顏噲

冉孺 漆雕徒父家語作漆雕徒 榮旂家語作榮祈 奚容箴家語作奚箴

澹臺滅明 琴牢 廉瑀 施之常 公伯寮

秦商 秦非 后處家語作石處 石作蜀家語作石子蜀 邾與家語作邾邛

巫馬施家語作巫馬期 廉潔 梁鱣 燕伋 孔忠 商瞿家語作商瞿

鄭國 曹卹 公皙哀家語作公西哀 壤西赤家語作壤駟赤 顏孫師

原元籍家語作原籍 公肩定家語作公肩 漆雕哆家語作漆雕 曾點史記作曾

公祖勾茲家語作公祖茲 步叔乘 左人郢家語作左郢 司馬耕

顏無繇家語作顏祖 顏祖家語作顏相 申儻家語作申績 秦祖 伯虔

顏幸 鄒單家語作懸直 叔仲會 公孫龍 冉季

秦冉 公良孺 狄黑 孟軻 蕭何 張良 叔孫通

陸賈 漢文帝 賈誼 文翁 漢武帝 董仲舒

公孫宏 倪寬 司馬相如 王吉 蕭奮 戴勝

匡衡 王尊 李疆 莊君平 劉向 揚雄 漢光武

全蜀藝文志 卷四十八下 考 讀月草堂



張謐謐作堪

高朕朕作朕

巨石虔巨作桓宋人避諱也  
楊禮禮作祖

鄧禹 張謐 張湛 桓榮 劉平 鍾興 第五倫

廉范 班固 黃昌 种暉 馬融 李膺 高朕 陳實

服虔 陳紀 鄭元 諸葛亮 龐統 董和 費詩

譙周 鍾繇 王肅 羊祜 張華 杜預 王濬 夏侯湛

喬智明 范廣 王遵 謝安 巨石虔

楊禮識謚議

宋游 桂廣女

故知遂寧府潼川楊公卒蜀之士君子交相弔哭皆失聲門人相與私謚曰樂行先生先生之道齋心服形修之杳冥發於言動施之家以及於居官為政皆本乎齋心之學自其先世率以

文行相承抱負奇崛恬默守道祖回光先生父靖安先生蓋三世至樂行優游饜飮玉潤金聲德氣所鍾動中武象其為人和而不流中立而不倚庸言之信庸行之謹不怙上以陵下不由下以援上正已而不求於人其事親冠帶而養居家治官喜怒不形於色教其子以其平居不以言素高於文棄之而專篤於行通達於天下之故而泯然常若不足以發年已七十纔得一見人主雍容冲洽有大臣之言老為童顏居若處子望其容貌使人之意消樂行云者取孔子孟子之言名之也孔子曰知之者不如好之者好之者不如樂之者所謂樂者此也孟子曰居



天下之廣居立天下之正位行天下之大道得志與民由之不得志獨行其道所謂行者此也先生位不副其德然樂乎其所以樂行乎其所得行稱斯謚矣桂誠不敏無以議先生然竊以為先生之樂行其發見於英華者似曾子曾子曰所貴乎道者三動容貌斯遠暴慢矣正顏色斯近信矣出辭氣斯遠鄙倍矣是言也先生有焉先生諱祖識世孫其字也桂以誘生出先生之門敢以斯議合門人為謚如右銘謚皆刻之碑傳於世

全蜀藝文志卷四十九目

江陵朱雲煥遐唐

即位告天文

漢昭烈帝

與羣下教

諸葛亮

諸葛廟古柏文

唐段文昌

誠子元膺文

偽蜀前主

王建

下蜀國教

後蜀前主

孟知祥

錄民詞

宋

阮昌齡

錄二叟語

何耕



楊升菴先生原本

江陵朱雲煥遐唐

文  
教  
詞  
語

卽位告天文

漢昭帝

惟建安二十六年四月丙午皇帝備敢用元牡昭告皇天上帝  
后土神祇漢有天下歷數無疆曩者王莽篡盜光武皇帝震怒  
致誅社稷復存今曹操阻兵安忍戮弑主后滔天滅夏罔顧天  
顯操子不載其凶逆竊居神器羣臣將士以爲社稷墮廢備宜



修之嗣武二祖龔行天罰備雖否德懼忝帝位詢于庶民外及蠻夷君長僉曰天命不可以不答祖業不可以久替四海不可以無主率土式望在備一人備畏天明命又懼漢室將湮于地謹擇元日與百寮登壇受皇帝璽綬修燔瘞告類于天神惟神嚮祚于漢家永綏四海

與羣下教

諸葛亮

夫參署者集衆思廣忠益也若遠小嫌難相違覆曠闕損矣違覆而得中猶棄敝蹻而獲珠玉然人心苦不能盡惟徐元直處茲不惑又董幼宰參署七年事有不至至於十反來相啟告苟

能慕元直之十一幼宰之殷勤有忠於國則亮可少過矣又曰昔初交州平屢聞得失後交元直動見啟誨前參事於幼宰每言則盡後從事於偉度數有諫止雖姿性鄙暗不能悉納然與此四子終始好合亦足以明其不疑於直言也

諸葛武侯廟古柏文

唐段文昌

是草木有異於草木則靈武侯祠前柏壽千齡盤根擁門勢如龍形含碧太空散霧虛庭合抱在於旁枝駢梢葉之青青百尋及於半身蓄風雷之冥冥攢柯垂陰分翠間明忽如虬螭向空爭行上承翔雲孤鸞時鳴下蔭芳苔凡草不生古色天風蒼蒼



洽洽曾到靈山老柏縱橫亦有大者莫之與京於惟武侯佐蜀有程神其不昏表此為正斯廟斯柏實播芳馨

誠子元膺文

永平二年漢州什加縣獲銅碑上有六十二字建嗣子更名元膺字昌美符銅碑舊昌之

文建以元膺年少權重命文士為文以誡之曰

前為蜀前主王建

吾提三尺劍化家為國親決庶獄人無枉濫恭儉畏慎勤勞慈惠無一事縱情無一言傷物故百官吏民愛朕如父母敬朕如天地汝襁褓富貴不知創業之艱難更汝之名上膺圖讖勿驕勿矜勿盈勿忘惟敬惟誠惟謙惟和內睦九族外安百姓赤心待羣臣恩信愛士卒刑罰人之命也無徇愛憎奸邪國之賊也

無信謠言絕畋遊之娛察聲色之禍然後能保我社稷君我民臣吾蚤莫戒勗汝遺忘當置於几案出入觀省

下蜀國教

後僞蜀前主

孟知祥

取威定霸乃公侯權變之方舍爵策勲乃皇王敘酬之典其或兵屯萬旅地廣三川周環列國之山河奄有全蜀之封部儻不從權而徇愷則稽錄効以報功今稟命於中朝得尊制而行賞但念承世家之餘慶受旌鉞之殊榮自領成都於茲半紀窮奢極侈固斷意而不為講武教民在安邊而有作往歲方勤進職務保永圖不幸諸藩構成深隙此際主兵將帥爭陳排難之功

全蜀秋文志

卷四十九

文教

讀月草堂



運策實係咸展出奇之略因與武旅分蕩渠魁累破竹以焚枯  
連開疆而拓土其次諸司奉職庶吏推誠咸著勲勞豈忘將荅  
又昨聖上以顯分忠佞遂降冊封礪岳帶河銘大君之異寵輅  
車珠冕表列國之殊榮仍示優崇仰行墨制上自藩方之任下  
及州縣之官凡黜陟幽明許先行而後奏自可保不僭不濫之  
典賞立功立事之人必無患於不均庶有覲於允當布告遐邇咸使聞知

錄民詞景德三年秋九月蜀民康平上欲天下皆知蜀也

詩以稱道盛德而民吏謠頌無以上 宋 阮昌齡

國無忠貞遐僻孰禦治非禍亂英雄孰觀順賊始平焚溺無主

帝聞憫然曰公汝處公不宿命臨機威撫若凜而陽若旱而雨  
若飢而哺若嬰而乳氛疹廓清餘臬荷翦元戎矜功沈吟翫侮  
公氣如虹言發樽俎膽汗四落再造蜀宇迴車未停賊幟復舉  
賢臣迭治秦蜀孰愈公在雍都帝憂密諭捧詔秣馬足不入戶  
炎風劍山五日而度公之來尸一從舊非公之至日衙從雲委  
且驅莫警執刃挾矢公曰自疑民疑何弭擯而去之權震千里  
公至之始獄不容質躬詢親決百不留一禁倖塞奸削技從實  
以今方舊年不及日僭闕遺則五門三闕朝西承天規號弗革  
公為偏署州郡之式盡革舊制以斷民惑玉壘之西禽戎獸夷



公爵其帥誠而禮之刻已削俸以懷以綏萬里兇醜磨之軒輝  
翹翹錯薪歲貢霧臻文翁遠矣蜀秀無聞公薦其三張及李翽  
然凌雲正慕承化儒風大振大會舊規革偃被馳公曰頓拒民  
其怨咨萬嶽所集必布紆欺首罪一夫路無拾遺西域之利星  
精月四舊貫峻嚴干不一至公寬其法鵠聯鱗萃蜀蠶奮種葉  
價日隆公教種桑蔭庇庇壤歲不外求懽聲四踴豪居大宅覆  
溝侵陌輪曉梗穢奸究遁匿公直舊繩廓然四關周伯麗天帝  
億宋年訛言勃興咫尺萬傳公誅狂魁風清兩川公譙賓友弗  
鼓弗鍾奕基排星鳴咄疊鋒爾威爾暇權在其中公歸內署弗

跣弗寐夜息晝行集寅衙未必躬必親執敢懈易蜀腰川頭春  
酣玉柄妙音俊彙慧黠修整公堂蕭然鍊真弔影雷足蹶金盆  
機眉針奇名恠狀水陸之琛公室罄然左畫右琴無私於身不  
欺於人卑高無間毫纖必均遊之如海視之如春吾不知其仁  
我用既給我倉既溢子孫孝悌牛羊蕃恩刑不橫及吏不相賊  
吾不知其德言發座右事在遠夷法成筆下名行九圍從權約  
制不間洪微吾不知其機賢愚必察親警一見始見未罄理盡  
情若在鑑水若經權衡吾不知其明曰帝有詔公拜以愉爰膏  
其轄爰飼其駒曰鯁曰寡晨不俟夜骨立泣俟繫公之馬曰童  
全蜀秩文志 卷四十九 詞 讀月草堂



伍

肆百叁拾肆

曰艾昏不俟晨驚呼踴走招公之轅有曰弗可虛席黃扉彼濟天下我亦隨之兩康五蜀公豈弗思公馬既逸萬涕交頤願繪神姿願葺生祠青山碧皇願留兩碑按此為張忠定公詠作

錄二叟語

何耕

立春日通天下郡邑設土牛而磔之謂之班春所從來舊矣其說蓋微見於呂令而詳於續漢禮儀志大抵先王謹農事之遺意也成都大都會自尹而下茗漕二使者之治所在焉將春前一日有司具旗旄金鼓俳優儒百伎之戲迎所謂芒兒土牛以獻於二使者最後詣尹府遂安於班春之所黎明尹率掾屬

相與祠句芒環牛而鞭之三匝退而縱民磔牛民謹謹懷盡土乃已俗謂其土歸置之刑蠶之器土則爾輩而稼美故爭得之雖一丸不忍棄歲率以為常紹興丙子余往觀焉見二叟立牛側一叟撫牛而嘆曰是孰象似汝孰升望汝孰引羣吏俎豆而羅拜汝方旗旄金鼓俳優儒百伎之戲雜然而前陳以導汝至此而空一府之人以觀汝也不亦榮而其可樂與俄而挺者競進擊者交下而汝始碎首折骨矣譟者奪者負者趨者而汝始蕩為游塵散為飄風矣嗚呼悲哉今夫富貴之家高明之門倚勢而怙寵役物以自奉噓吸生風雲叱咤為雷霆偃然自全蜀秩文志

卷四十九

語

讀月草堂



以爲莫已若也有不似茲牛之始至者寸及其權移而運去大者隕身亦族小者觸刑抵罪雖三尺孺子莫不聞而哀之有不似茲牛之既磔者乎吾悲夫禍福之無常而慶弔之相躡於俯仰之間也吾又悲夫造物者之戲人胡爲而至斯極也吾是以歎一叟局局然笑曰子何言之陋邪是女從生自土而爲泥白泥而爲牛土不知其爲牛也自牛而遭磔而復爲土土不知其非牛也彼既不知其爲牛矣則雖象似之丹堊之俎豆而羅拜之與夫旗旄金鼓俳優侏儒百伎之戲迎而致之空一府而觀之彼且何樂而何喜乎哉彼既不知其非牛矣則雖擊之碎

之敗之負之彼且何懼而何戚乎哉牛固無所喜愠而世之人方且認外物以爲己有其未得也挾術用數以致其必來而其既去則猶殫智極力以幸其少留也可不爲之大哀乎其有愧於茲牛多矣而造物者初何與焉莊子曰適來時也適去順也安時而處順憂樂不能入也子無庸歎嘗試以是觀之余竦然異其言迫而問之若何爲者也二叟稽告而去余歸而錄之蜀固多隱君子哉



全蜀秋文志卷五十目

江陵朱雲煥選唐

弔紀信文

唐盧藏用

白雲先生誄

宋蒲芝

樂善郭先生誄

楊天惠

房季文誄

楊天惠

覃魂

張商英

祭王岐公文

范鎮

祭李舍人<sub>獻文</sub>

范鎮

祭范蜀公文

蘇軾

祭范蜀公文

蘇轍

祭范蜀公文<sub>代趙端明</sub>

馮山

祭李待制文<sub>代許內翰</sub>

馮山

祭寶月<sub>大師</sub>文<sub>宗兄</sub>

蘇轍

全蜀秋文志

卷五十

目

讀月草堂



祭白帝廟文 何逢原 祭漢昭烈帝文 蜀獻王 祭韞玉山文 蜀獻王

全蜀秋文志卷五十 升菴原本  
江陵朱雲煥退唐

弔文 誄 辭 祭文

弔紀信文

唐 盧藏用

維年月日某官名恭弔漢忠臣將軍紀信公曰皇綱圯兮帝紐  
頽王風悲兮霸道衰天運促兮周以復秦德棄兮漢業開何項  
王之鼎屢作驅除於雲雷豈淵海之飛濫資拔山之偉才於是  
左契歸楚羣雄奉職皇矣漢祖獨負其直矧滎陽之圍城兮旣  
全蜀秋文志 卷五十 文 讀月草堂



孤而逼偉將軍之天誘兮矯奪其識彼見危而授命兮亦各有  
 時者振古以為觀兮罔恢帝基感將軍之憤兮壯大義之在茲  
 仰前修以砥節顧車迴而馬遲嗚呼身既焚兮業既昌楚歌絕  
 兮漢道光君不旌兮史不揚功不錄兮歿不傷奄孤墳以載喪  
 抑千祀而為荒皇周敷訓兮澤及枯骨伊予寡德兮忝宰茲地  
 奉宣嘉猷兮懼尸厥位思將軍兮允忠且義託神交於萬古兮  
 實獲心志乃斷石於他山兮式幽墳以昭賁詞曰攝提貞歲兮  
 奉揚仁風跋涉草莽兮祠弔紀公善彼勇兮殺身為忠九原不  
 作兮予將焉同金石刻名兮千萬歲魂魄光烈兮為鬼雄

白雲先生張少愚誄

張愈字少愚益州郫人秘書郎辭官歸隱居青城山白雲菴杜光庭故居

六召不應性樂山水遇有興雖數千里輒盡室往遂浮湘沉觀浙江升羅浮入九疑買石載鶴以歸杜門著書未就而卒妻蒲氏名芝賢而有文為之誄曰

蒲芝

高視往古哲士實殷施及秦漢餘烈氤氲挺生英傑卓爾逸羣  
 孰謂今世亦有其人其人伊何白雲隱君嘗曰丈夫超世不偶  
 仕非其志祿不可苟營營末途非吾所守吾生有涯少實多艱  
 窮亦自固困亦不顛不貴人爵知命樂天脫簪散髮眠雲聽泉  
 有峯千仞有溪數曲廣成遺趾具興高躅疏石通徑依林架屋  
 麋鹿同羣晝遊夜息嶺月破雲秋霖洒竹清意何窮真心自得



放言遺慮何榮何辱孟春感疾閉戶不出豈期遂往英標永隔  
抒詞哽噎涕洟瀾人誰無死惜乎材賢已矣吾人嗚呼哀哉

樂善郭先生誄

楊天惠

孟子論士以爲入而獨善其身則仁義忠信樂善不倦出而私  
淑諸人則孝弟忠信誨人不倦如此人者蓋古之所謂天之君  
子而今之所謂鄉先生者也余觀於樂善先生豈其入邪先  
生諱某字長孺自言本號叔後號與郭聲相似故轉爲郭其遷  
徙入蜀初莫詳也今爲成都人魯祖諱某大父諱某世以晦德  
相光追皇考益力學爲文詞知名於鄉先生幼讀父書盡傳其  
學皇考蚤世先生執喪如成人喪除猶有餘戚奉母夫人極謹  
身率妻子約衣節食操井臼以養無懈時閒遇親疾輒憂恐繼  
火結帶晨夕侍不去疾平乃已先生家居陋甚然徒步出入里  
閭人望之常辟易其者壽以先生爲家居陋甚然徒步出入里  
助給太夫人滯滯裘葛資費先生得之不以一錢私妻子悉歸  
親所對奉甘脆美好物親飲必供未嘗以有亡爲解親沒先生

哀毀骨立畚土成墓廬其旁三年遂菜食終身先生鮮兄弟獨  
從兄存尤困憊先生輟食飲饋之比其疾革有老友稱女在先  
生趨告之曰兄父母憂某能爲兄身任之即日迎歸於家既辦  
喪與葬竟奉其父如父已歿送如禮撫其女如子已長聘以時  
異時先生外祖父母及叔父母皆無後委棺客土先生頃所有  
攜歸教畜爲取婦有子母鄙之祀賴以無絕先生氣體夷粹侃  
侃似不能言遇人無貴賤罄折下之然其中端挺不倚終日劇  
談無駁雜慢戲半語故鄉人之善者親附其不競者尊憚之平  
生惟好書亡他嗜丹鉛點勘筆不去手自經史百氏之書浮屠  
黃老之教下暨陰陽地理醫卜之藝吐納煅煉之術皆研盡其  
妙有易解十卷書解七卷老子道德經解二卷三教合轍論一  
卷蔬食譜一卷歌詩雜文十卷以爲立身揚名莫如孝作孝行  
圖守節高蹈莫如隱作高逸圖善惡之應猶影響作陰德雜證  
圖各爲之論述傳於其徒時朝廷設八行科求篤實尤異之士  
鄉老喜相語曰吾里有入矣於是合千百人狀先生美行于縣  
于府以十數府縣以禮延置鄉校將荐諸朝會先生病卒年若  
干實某年月日也取張氏生子一某登上舍第二女未嫁以某



年月日葬某鄉里其友人楊雁曰自古賢者沒有易名請謚曰樂善先生而東蜀楊天惠謚以文之凡先生之獲於人者其斯而已矣顧不已薄哉然以聖可為子而強為善頗能自將要必能起其家者則天之報先生其亦奚薄哉謚曰

嗚呼先生肫肫於食貧而安屹屹於為善而樂若猶可及然至其所以用貧以裕子而親以施於人而我皆無憾焉是不可及已弱無固壯無專老無在死無餘此元次山所以喪紫芝者顧某於先生亦云嗚呼先生其果可以戒塗之淫佞也夫其真可以配古之卓行也夫

房季文誄

楊天惠

季文房氏名彪曾祖諱某父諱某偕以邁德為成都閭閻自予假館於其家園季文外予學文最開敏有精識然不樂於書生

作應制之詞尤羞與鄉校少年伍予曰子親之髮垂領矣日望子速化臣若何季文慨然起為一再試學官皆異等後三年訪予于鄭文益工行益峻繁又二年外予府城之客舍則勝言脩翕逼人予曰子何自得此季文曰彪以師耆而友謙之二子皆大士也請介以交于先生予曰固願之然恐難致耳季文曰彪能致之居有間二子不來予問原父原父曰前一日季文死矣某樹驛肆失涕實某年月日也於是其母若兄將以是歲月日葬之某鄉某里而乞銘于予予弗忍銘也故誄之以遺之季文妻某幾歲誄曰

予頃疑仲尼聖之盛也頗遺恥於少賤既老而後集成六經惟子雲賢之尤也仍竊悔於少作蓋晚而後覃經顧顏子迺交臂於壯齒而童烏驟談乎於稚齡斯已奇矣然造物者胡不既其實而司命者忍復嗔其英吁嗟無以啗若矣請問諸泮之庭



寧魂

四

張商英

熙寧元年六月壬戌有星隕于張氏之宅是夕也予兄發中侍御史次功卒明年三月配葬于雙流縣之甘泉鄉從父瑩禮也兄敏悟出于天稟十歲通五經善綴文是時祿寺府君自三江之新穿徙居于江原之金馬有鄉先生號為碩儒次功就學歲餘曰才有餘而道不足不可以為吾學府君異之以一壚土購書千餘卷資其讀次功閉戶刻苦力學或半歲不識內味年十入鄉書遂至禮部後五年為解頭遂釋褐調南平決曹掾非其志也乃嘆曰大丈夫進無竹素之功退無千古之名何以出人益發憤而大窮占人之道留中所蘊漂淪滄渤而不能自禁於是溢為文采頃刻千字感慨以吐其憤浩蕩以快其思曠達以疎其情清苦以敏其氣至于時之理亂民之利病曉然洞見其本末而計謀識慮常存人意之表前後封章十餘上諸公聞其名以賢良方正科薦者五六人以臺諫館閣薦者數十人自南平更典秩歸遷襄州穀城縣令改東觀郎監閭中稅遷秘書丞太常博士今上即位遷田曹員外郎以近臣薦其鯁直有先識之明擢為殿中侍御史正色言事不顧時忌方將大出所有以

以澤當世不幸以憂去職感疾而卒嗚呼次功之名暴於天下之耳目播於多士之詠歌記錄其章疏議論藏於秘府其文章流落溢於好事者之巾箱其始終大槩具於予之行狀今其葬也內不瘞志而外不揭表次功之名亦可以萬世矣故為辭以辭其竟

辭曰

遵邑門以西出兮蒨莽乎甘泉之野  
甓九壤而為室兮闔密乎  
黜無晝夜慨俊邁之永息兮逐霜筌而奄謝遺紛垢以探元兮  
杳末窮夫上下斂清氣以歸藏兮貫輻車而曉駕感前流之噫  
咽兮抱遺恨而東瀉鴻靈頌其罔物兮遞有無以更化惋人世  
之飄游兮孰悲咷之自暇砥才刃以反戕兮彎智弧以卻射甘  
大患而役形兮高不覩夫太華修途邈其無隩兮驥足僊而莫



跨太空蕩其亡隈兮鴻羽摧而已下既明哲之是卑兮胡壽年  
 之弗假盡涼宗之薄祐兮踣百罹以予嫁靈五內以寸裂兮涕  
 浪浪而橫灑涕與血盡兮可奈之何伊人往矣兮遺我實多曄  
 曄伊人兮其儀峨峨冠姬服孔兮躡雄蹈軻安貧力學兮一志  
 無他晨炊不紹兮恬事絃歌鸞鸞鶴翥兮匪駕匪駟驪馳鸞眎  
 兮弗瞋其佳切弗蹉劍削譎詭兮欽相謬訛栖停浩氣兮斟斟太  
 和含瓊躋衡兮去潢泳河鏗韶嘖鄭兮招蘅刊莪雄文煥爛兮  
 乾象森羅武庫抽鐫兮霜寒萬戈突爲層崖兮漲爲巨波呼號  
 蕩海兮獬豸戰鼉堂室勁氣兮不撓不阿孤篋挺節兮危松擢

柯拂骨孤貌兮毅然詆訶豪焰淳淳兮青穹上摩妙齡升冠兮  
 俯陟賢科扼居下僚兮珠潛子贏嚙誚彼已兮胡食其禾捐生  
 取義兮感歎汨羅忠憤自許兮沽求則那皂封瀝血兮志念時  
 疴議論端確兮不磷于磨如廣指的兮如乘診癰名擅海內兮  
 價重鑾坡晁劉大對兮勇過廉頗安能俛首兮塵塲嬰熙寧  
 之主兮軒道虞德寤寐正人兮心虛席側濯濯羣公兮推挽先  
 識僉前允諧兮超真言職霜簡稜稜兮牙冠鬢鬢言行俱危兮  
 不訐不愎網愔高造兮曩謂司直高步跨右兮烈無難色抉開  
 肺腑兮摠出丹臆寧同江葦兮漩上濤逼渾首可殊兮語不可



默一軀胡恤兮誓於報國囊裝靡釋兮日俟南極虎嘯于山兮  
 貍匿于棘皂鵬戛雲兮鶚鵠攢翼且聯寶珎兮伏覲宸極一言  
 感悟兮天衷太息隆棟鉅礎兮行睨厥力謂可近侍兮獻替失  
 得滄滄素畜兮臯夔益稷匪徒藻翰兮鉅繪絜織方員設施兮  
 太噦惴惴如丹伏蒲兮如藩批敕噓吸淳風兮薰沐動植挹清  
 浣汙兮挂強操踣布亭萬曜兮躔南舍北昂量潛白兮衡妖喪  
 黑懼怛勅膚兮垠任匍匐沒煙爲疆兮朱邪就縶志遼氣邈兮  
 皎皎不惑車輦輶摧兮蘭燭香熄笑言在耳兮音容或或于庭  
 于墻兮誕漫莫測嗚呼哀哉母垂白兮子勝裳死者佚兮生者

缺慘聚首兮號素堂哀聲苦兮白晝黃魯而存兮智而亡天乎  
 何辜兮遭此不祥感神祇之不妥兮畏山岳之摧岡駟黃螭以  
 公舉兮愬予懷乎彼蒼蒼秘其冥造兮愍予心之搶攘假宵夢  
 以諄諭兮漏靈機之渺茫呀九閼以洞闢兮進予趾乎玉廂曰  
 地行之泯懣兮徒紘紘其吾殃三才部而殊體兮吾獨宰乎陰  
 陽蒸和融潤兮噴燠呵涼六氣欲叫兮三辰欲光元精遺以墮  
 世兮孰吾弼而還相豈爾世之寶才兮吾固亦珍乎峻良忽形  
 開以寤興兮諒神理之不荒苟詰施於善惡兮冀顏短而跼長  
 嗚呼哀哉維昔吾考兮志操逸羣顛沛於善兮革家以文質衣  
 全蜀枕文志



而餽賓客兮市田而購典墳門惟蓬茅而賢轍常滿兮廩之飫  
 石而義聲四聞肆吾兄之肯構兮為時卿雲肇芳桂以飄纓兮  
 釋南畝之耕耘嗟人事之反復兮何變故之糾紛天澤方連於  
 星驛兮薤露已咽於鄉枌悲予才之短耗疎促兮其曷以就先  
 志而嗣清芬念獲終於正命兮予又烏能効宋王之招魂嗚呼  
 哀哉世衰俗薄兮仁義不施機巧競鶩兮化為澆漓已乎長往  
 兮蛻去如遺歸如返寂兮又奚其悲哉收精爽兮隱于大儀魄  
 兮以長存兮縱陵谷之改移勿降而為賢人哲士兮憂患生  
 乎有知勿瑞而為騶虞鸞鸞兮嗥豺狼而噪烏鴟勿秀而為紫

芝朱草兮山草占春以離離勿堅而為黃金白璧兮繞指耀鋼  
 而矜功矜奇嗚呼噫戲兮萬古有崎不知其人兮視此哀辭

祭王岐公文

范鎮

維鎮與公官事多同若一臂交常相依從公進於朝鎮退居窮  
 采十六年公譽日充方遂平生奄忽以終自予退居人事殊絕  
 侍從常僚不復通謁惟公每歲遇上元節置酒開樽笙歌間設  
 樂道舊故窮歡極悅自顧耄耄年七十八苟在人世能幾日月  
 今公此行豈為永訣所恨老劣不能酌別

祭李舍人臨文

范鎮



惟靈諒直果敢著於平生於朝盡忠於人盡誠伊余與公自幼相從粵景祐中竭來之東同年登科四紀於今白首一節金玉其心近自去冬詩筒見貽二老倡酬歡如填窟江山之興共得其時余雖勉和計方覽窺凶計之來肝腸摧悲潁昌寓居道遠人疲遣致薄奠公其鑒之

祭范蜀公文

蘇軾

嗚呼仁宗在位四十二年睦而種之有得皆賢既歷三世悉為名臣今如晨星存者幾人孰如我公碩大光明導目而昇燦為長庚死生契闊公獨壽考天實眷之以殿諸老二聖嗣位仁義

是施公昔所言略行無遺維樂未和公寢不寧樂成而薨公往則瞋凡百君子願公無極胡不萬年以重王國責難之忠愛莫助之嗟我後來誰復似之吾先君子秉德不耀與公弟兄一日之少窮達不齊歡則無間豈以閭里忠義則然先君之終公時在陳宵夢告行晨起訃聞先友盡矣我亦白髮聞公之喪方食噎噓堂堂我公豈其云亡望公凜然猶舉我觴

祭范蜀公文

蘇轍

公之少年初以賦鳴挾策以東氣和而平微見圭角人人自驚宋氏伯仲典司衆盟見公所為屣履以迎自毀其文以致公名



主滿太學莫之敢爭公之中歲始以諫起堯老將傳未有立子  
羣公欲言以目相視公獨發之自詭以死帝知其忠始怒終喜  
復有繼者實蹈公軌公亦自信卒老言事公之末年終以節聞  
國有蠹賊當之以身力言不從遂致爲臣開門接士不怨不憤  
羣枉既消衆屈當伸有欲援之同撫我民公笑稱疾誓不復振  
凡世之人有一於是翹然自名足以爲貴豈不卓偉位雖顯融  
有不盡忠崧隗之間顛誤之側有廬可安有田可食顧惟平生  
篤志鐘律樂成既上疾亦告革嗚呼昔我先人公蚤知之白首  
相親往事莫追軾方在朝公舉諫官卒以獲罪初無一言轍來

白東復館于門曾患之不卹而惟義是敦今其云亡無復斯人

代趙端明祭范蜀公文

馮山

大賢於人景星鳳凰不出則已出則爲王者之嘉祥有目者爭  
先覩之爲快及其不復見也識與不識共惜乎人之云亡方公  
妙齡起於華陽風流文采相如子昂及爲從官而慷慨論議揚  
雄李固不足以比方使中州之豪傑視蜀青衿之子而不敢詒  
慢者由公爲之主張白首玉堂而不自知聊卒歲以徜徉先請  
老者七十遂濯纓於滄浪踵越相之遺風輕二疎以粃糠方元  
祐之訪落登耆明而贊襄凡天下之大老雜遝至於廟堂詔書



旁皇而不起乃引禮以抗章完始終而無虧孤高岌如太行哀  
繡在前而弗之顧獨友乎仲元與蜀莊嗚呼未老而歸二十年  
流輩零落者殆盡而公方傲睨乎林泉忽新樂之初上梁木壞  
於壁田乾坤倏其安往騎箕尾而上天其不發為卿雲甘露以  
輝潤乎萬物則將結為精金美玉而發見於山川悲夫自昔登  
門屬居某後東書從師公則誨誘義兼姻婭子舍維友宦遊窮  
年去德滋久謂言於公當享上壽杖履從公志或可就云何一  
別遂不我有我欲哭之天高地厚人亡師表國失耆舊江漢竭  
靈岷峨隕秀千里致奠豈有卮酒言出涕隨公其知否

代許內翰祭李待制文

馮山

惟公金馬碧雞西南之珍奮起江漢儼蹤淵雲秉筆立朝婉詞  
皇墳熙寧之初英彥鳬藻孰不紆餘以自襮標公獨守官不少  
低繞拂衣西還便欲請老名山之前有田一廛圖史自適樂全  
乎天嗟予鼎來冀獲親賢須公疾間當奉周旋云何不淑館舍  
是捐嗚呼性命之理在公已通昔生非有去亦無從公雖偃然  
人則懷公一罇一奠聊與人同

祭寶月大師宗兄文

蘇轍

轍方志學從先君子東遊故都覽觀藥市解鞅精舍時始見兄



頤然如鵲介而善鳴宗黨之故情若舊識屈伸臂項閱歲四十  
性直且剛纖惡不容與人盡言口如病風惟我兄弟不見瑕玼  
行有利病勢有隆汙始終一意不為薄厚交遊之間蓋未始有  
昔我之東師則有言遊宦如寄非可久安意適忘歸憂患所由  
返還於鄉我志師言未返而顛師亦不待與化俱遷遣舟與榮  
萬里來計開紙失聲悔恨無所彈指西望卯塔既成臨絕之言  
求我以銘自我竄逐憂病相襲緝綴清風得一忘十追懷曩好  
從有此心而病未能收淚語舟歸酌流水一生一死誠則無已

祭白帝廟文

何逢原

白帝子陽氏維公孫生於西方扶風茂陵恥臣新莽擊滅宗城  
遂據益州帝其民際赤伏再興十二為期我金行背城以死允也國君  
異安樂公喪邦保身扞闕之顛歸然古城廟食其中威靈具存  
旄頭法駕御如羣臣環佩結裾繪畫錯陳遐想盛時文物聲明  
蠶叢魚鳥豈帝之倫我懷英風酌以斯文休哉白帝千古益尊

祭漢昭烈皇帝文

明蜀獻王

維洪武二十四年歲次辛未十二月敢昭告于漢昭烈皇帝漢丞相  
諸葛忠武侯曰龍興雲從君明臣良曠千載而一遇何會合之  
不常曰若稽古實惟成湯三聘莘野承筐是將咸有一德革夏



爲商歷嬴秦而兩漢孰能襲其遺芳偉中山之帝嘗當羣雄之  
擾攘噓炎燄於寒灰時三顧於南陽情交歡於魚水言靡間於  
關張保岷峨控荆湘三分天下開拓封疆信同心而協力視當  
代而有光予不仰於休風幸開國於是邦觀闕宮之頽圯歎古  
柏之荒涼命我將士繚以垣墻屹棟宇之崔嵬煥丹青之焜煌  
新規模於今日聚精神於一堂告厥成功我心孔臧遣官致祭  
醴酒封羊惟帝與侯神其洋洋祐我蜀民降福穰穰

祭杜子美文

蜀獻王

維洪武二十六年歲次癸酉十二月三日遣官以牲醴之奠致祭於草堂

先生杜公曰先生距今之世數百餘年而成都草堂之名至今猶  
傳予嘗縱觀乎萬里橋之西浣花溪之邊尋草堂之故址黯衰  
草兮寒烟是以能無所感也於是命工構堂闢地一廛扁舊名  
於其上庶幾過者仰慕乎先賢然人之所傳者先生之遺編也  
而予羨者蓋以先生一飯之頃而忠君愛國之惓惓雖其出巫  
峽下湘川罔不戀戀於此而先生之精神猶水之在地無所往  
而不在焉爰矢詞於翰墨寫予心之悃悃臨風醴酒尙其來旗

祭韞玉山文

蜀獻王

維洪武二十八年歲次乙亥八月某日遣成都右護衛指揮同知李遵以牲  
全蜀枕文志 卷五十 文 讀月草堂



醴之奠致祭于韞玉山之神曰山者石之所自出而石者地氣之所凝結也今欲命工匠動雲根分翠巘之巉巖鑿蒼苔之磊落以為邦家之用而爾神司之用是遣使致祭以告於茲山之靈俾工匠之衆陸運車輪履險如夷默加庇佑式昭靈貺伏惟神其鑒之



